



ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

ԿՈԼԵԳԻԱ

ՈՐՈՇՈՒՄ

2 հունիսի 2016 թվականի

թիվ 48

քաղ. Մոսկվա

**Ուկրաինական ծագման և Եվրասիական տնտեսական միության
մաքսային տարածք ներմուծվող պողպատե խողովակների որոշ
տեսակների նկատմամբ հակազնագցման միջոցի գործողության
ժամկետը երկարաձգելու և Եվրասիական տնտեսական հանձնաժողովի
կոլեգիայի 2015 թվականի հոկտեմբերի 6-ի թիվ 133 որոշումն ուժը
կորցրած ճանաչելու մասին**

«Երրորդ երկրների նկատմամբ հատուկ պաշտպանական, հակազնագցման
և փոխհատուցման միջոցներ կիրառելու մասին» արձանագրության
(«Եվրասիական տնտեսական միության մասին» 2014 թվականի մայիսի 29-ի
պայմանագրի 8-րդ հավելված) 109-րդ կետին համապատասխան և
Եվրասիական տնտեսական հանձնաժողովի Ներքին շուկայի պաշտպանության
դեպարտամենտի զեկույցի հիման վրա՝ Եվրասիական տնտեսական
հանձնաժողովի կոլեգիան **որոշեց**.

1. «Մաքսային միությունում պողպատե խողովակների որոշ տեսակներ արտադրողների տնտեսական շահերի պաշտպանության միջոցների մասին» Մաքսային միության հանձնաժողովի 2011 թվականի հունիսի 22-ի թիվ 702 որոշմամբ սահմանված հակազնագցման միջոցի գործողությունը երկարաձգել մինչև 2021 թվականի հունիսի 1-ը ներառյալ:

«Ստորին Դնեպրոպետրովսկի խողովակազլանման գործարան ԻՆՏԵՐՓԱՅՓ» բաց բաժնետիրական ընկերություն («ՄԴԽԳ ԻՆՏԵՐՓԱՅՓ» ԲԲԸ) (հին անվանումը) - «Ստորին Դնեպրոպետրովսկի խողովակազլանման գործարան ԻՆՏԵՐՓԱՅՓ» հանրային բաժնետիրական ընկերություն («ԻՆՏԵՐՓԱՅՓ ՄԴԽԳ» ՀԲԸ) (նոր անվանումը).

«Նովոմոսկովսկի խողովակների գործարան ԻՆՏԵՐՓԱՅՓ» բաց բաժնետիրական ընկերություն («ԻՆՏԵՐՓԱՅՓ ՆՄԽԳ» ԲԲԸ) (հին անվանումը) - «Նովոմոսկովսկի խողովակների գործարան ԻՆՏԵՐՓԱՅՓ» հանրային բաժնետիրական ընկերություն («ԻՆՏԵՐՓԱՅՓ ՆՄԽԳ» ՀԲԸ) (նոր անվանումը):

2. Եվրասիական տնտեսական միության անդամ պետությունների՝ մաքսային գործի ոլորտում լիազորված պետական մարմիններին՝

ապահովել Մաքսային միության հանձնաժողովի 2011 թվականի հունիսի 22-ի թիվ 702 որոշմամբ նախատեսված հակազնագցման տուրքերի գանձումը.

ապահովել Եվրասիական տնտեսական հանձնաժողովի կոլեգիայի 2015 թվականի հոկտեմբերի 6-ի թիվ 133 որոշմանը համապատասխան վճարված (գանձված) հակազնագցման տուրքերի գումարների՝ նախնական հակազնագցման տուրքերը գանձելու համար սահմանված կարգով հաշվանցման իրականացումը հակազնագցման տուրքերին եւ դրանց հաշվեգրումը Եվրասիական տնտեսական միության այն անդամ պետության լիազորված մարմնի միասնական հաշվին, որտեղ դրանք վճարվել (գանձվել) են:

3. Ուժը կորցրած ճանաչել «Մաքսային միության հանձնաժողովի 2011 թվականի հունիսի 22-ի թիվ 702 որոշմամբ սահմանված հակազնագցման

միջոցների կիրառումը երկարաձգելու մասին» Եվրասիական տնտեսական հանձնաժողովի կոլեգիայի 2015 թվականի հոկտեմբերի 6-ի թիվ 133 որոշումը:

4. Սույն Որոշումն ուժի մեջ է մտնում դրա պաշտոնական հրապարակման օրվանից 30 օրացուցային օրը լրանալուց հետո:

Եվրասիական տնտեսական
հանձնաժողովի կոլեգիայի նախագահ՝

S. Սարգսյան